

LITHVANIA.

144

Kiovia, *Premisla* & *Leopoli*. Est autem Vilna copiosa, ampla & celeberrimi nominis, muro cincta & portis, quæ nunquam clauduntur. Templâ pleraque sunt lapidea, quædam etiam lignea. Elegans est Bernardinorum Cœnobium, secto ex lapide, venusta structura clarum. Quemadmodum & Ruthenorum aula, in qua ipsi merces suas ex Moschovia allatas distrahunt. Secundus Palatinatus est *Trocensis*, cujus Opida sunt *Grodna* ad Cronium flu. ubi Stephanus Rex Poloniae obiit. *Lawnna* ad Croni & Vilæ confluentes, *Kowno*, *Lida* & *Upita*. Tertius Palatinatus est *Minscensis*, ibi *Minsko* civitas & arx *Keidanow*, *Radoskowice*, *Borissow*, *Lohoisko*, *Swislocz*, *Bobroisko* & *Odruczko*. Quartus Palatinatus est *Novogrodenfis*, in quo *Novogrodeck* Civitas ampla & lignea, *Slonim*, *Wolkowisko*, *Msczibow* & alia Opida complura. Quintus Palatinatus est *Brestiensis* a *Brestia* Civitate ampla & lignea sic denominatus, & in hoc Civitas *Pinsko*. Sextus Palatinatus est *Volhymia*, in qua *Luczko*, Episcopi sedes, *Volodomiria*, *Krzemenesia*. Septimus Palatinatus est *Kiovia*, quæ urbs quodam amplissima & vetustissima, ut ruinae quæ ad sex millia se extendunt, facile indicant, fuit ad Borysthenē sita. Ibi sunt *Circas*, *Kaniow* & *Moser* Opida. Octavus Palatinatus est *Miecislaviensis* ad *Sosam* & Borysthenē in finibus Moschoviae, ibi *Miecislavia*, *Dambrowna*, *Copysz*, *Sklow* Comitatus, *Mohilow*, *Bychow*, *Reczyca*, *Strissin* Opida cum arcibus sita sunt. Nonus Palatinatus est *Vitebsciensis* in quo *Vitebsk* Civitas ad Dunam fluvium sita, & *Orsha* ad Borysthenem. Decimus Palatinatus est *Polocensis*, qui a *Poloczko*, ad *Polotæ*, & *Dunæ* confluentes inter *Vitebscam* & *Livoniam* interjecta nomen sortitur: ibi *Dysna*, *Drissa* & *Druha* Opida cum arcibus visuntur. Hisce expositis demus Lithuaniam suos amnes. Lithuaniam a parte Orientali terminant *Oscol*, *Jugra*, minor *Tanais*, hi & plurimi alii in *Tanaim* defluunt. Est & in dominio Lithuanorum Borysthenes qui ex terra plana & palustri ortus, per *Russiam* delatus in *Pontum Euxinum* tandem exit. Sunt & *Vilia*, & *Niemen*, hic valde flexuose decurrit: navesque deferens & merces: tandē in mare *Prutenicum* suas aquas exonerat. *Dwina*, & alii, quibus ut & *Lacubus* & *Stagnis* irrigua est. Omnes autem isti Fluvii & Lacus maximam Piscium copiam subministrant, suntq; Pisces optimi ac gratissimi saporis. Est præterea Regio silvis operata, quæ admodum magnæ sunt, decem, aliquando quindecim milliarium. Provinciarum autem Lithuaniam Palatinos & Castellanos Sigismundus Augustus Poloniae Rex in comitiis Lublinsibus in unum Reipublicæ corpus, cum Polonis univit, & certum singulis Proceribus, Episcopis, Palatinis & Castellanis Lithuanis locum ac ordinem in Senatu regni attribuit, ita ut ex universo Regno Poloniae omnibusq; Provinciis illi conjunctis, sint in Senatu Episcopi quindecim, Palatini triginta unus, Castellani majores triginta, minores quinquaginta, & qui officiales regni nominantur, Marchalci regni & curiæ Cancellarii ac vice-Cancellarii 2, de quibus in Polonia latius. Solvuntur apud Lithuanos facile matrimonia mutuo consensu, & iterum atque iterum nubunt, & inter semetipsum palam concubinos habent maritorum permissu, quos connubii vocant adjuutores: contra pellicatus viris probro datur. Cum quis forte capite damnatus fuerit, de seipso jubente Domino supplicium sumere, suisque manibus se suspendere cogitur, quod si recusaverit, tantisper minis & verberibus exagitur, donec mortem sibi inferat. Armenta victum præbent, multo

Flumina.

Silva.

Senatores.

Mores.

Victus.